

史

記

一五

楚世家第十

史記四十

楚之先祖出自帝顓頊高陽高陽者黃帝之孫

昌意之子也高陽生稱

正義曰尺證反

稱生卷章卷章

生重黎

徐廣曰世本云老童生重黎及吳回譙周曰老童即卷章○索隱曰重氏黎氏二官代司天地重為

木正黎為火正據左氏少昊氏之子曰重顓頊氏之子曰黎今以重黎為一人乃是顓頊之子孫者劉氏云少昊氏之後

曰重顓頊氏之後曰重黎對彼重則單稱黎若自言當家則稱重黎故楚及司馬氏皆重黎之後非關少昊之重愚謂此

解為

重黎為帝嚳高辛居火正

索隱曰此重黎為火正彼少昊氏之後重

自為木正知此重黎即彼之黎也

甚有功能光融天下帝嚳命曰

祝融

虞翻曰祝大融明也韋昭曰祝始也

共工氏作亂帝嚳使重黎

誅之而不盡帝乃以庚寅日誅重黎而以其弟

吳回為重黎後復居火正為祝融吳回生陸終

陸終生子六人坼剖而產焉

干寶曰先儒學士多疑此事譙允南通才達學

精核數理者也作古史考以為作者妄記廢而不論余亦尤其生之異也然案六子之世子孫有國升降六代數千年間迭至霸王天將興之必有尤物乎若夫前志所傳脩己背坼而生禹簡狄育剖而生契歷代以遠莫足相證近魏黃初五年汝南屈雍妻王氏生男兒從右脇下水腹上出而平和自若數月創合母子無恙斯蓋近事之信也以今況古固知注記者之不妥也天地云為陰陽變化安可守之一端繫以常理乎詩云不坼不剖無災無害原詩人之盲明古之婦人嘗有坼剖而產者矣又有因產而遇災害者故美其無害也○索隱曰系本云陸終娶鬼方氏之妹謂之女嬪其長

一曰昆吾

虞翻曰昆吾名樊為已姓封昆吾世本曰昆吾者衛是也○索隱曰系本云其一曰樊是

為昆吾宋忠曰昆吾國名已姓所出左傳曰衛侯夢見被髮登昆吾之觀今濮陽城中有昆吾臺是○正義曰括地志云濮陽縣古昆吾國也昆吾故城在縣西三十里臺在縣西百步即昆吾墟也

二曰參胡

世本曰參胡者

楚世家

韓是也。○索隱曰：系本云二曰惠連是。三曰彭祖。虞翻曰：為參胡。宋忠曰：參胡國名。斯姓無後。

彭姓封於大彭。卅本曰：彭祖者，彭城是也。○索隱曰：系本云三曰錢鏐是。為彭祖，虞翻所云是也。○正義曰：括地志云：彭

城，古彭祖國也。外傳云：殷末滅彭祖國也。虞翻云：名翦神仙傳云：彭祖諱鏐，帝顓頊之玄孫，至殷末年已七百六十七歲

而不衰老，遂往流沙之西，非壽終也。四曰會人。卅本曰：會人者，鄭是也。○索隱曰：系本云四曰求言

是為鄒人。宋忠曰：求言名也。如姓所出鄒國也。○正義曰：括地志云：故鄒城在鄭州新鄭縣東北二十二里。毛詩譜云：昔

高辛氏之土祝融之墟，歷唐至周，重黎之後。五曰曹姓。姁姓，姁其地是為鄒國，為鄭武公所滅也。

卅本曰：曹姓者，邾是也。○索隱曰：系本云其五曰安是。為曹姓，宋忠云：安名也。曹姓者，諸曹所出也。○正義曰：括地志云

故邾國在黃州黃岡縣東南百二十一里。史記云：邾子曹姓也。六曰季連芊姓，楚其

後也。○索隱曰：系本云六曰季連是。為芊姓，季連者，楚是也。宋忠曰：季連名也。芊姓，諸楚所出。楚之先芊，音彌是

反芊，羊聲也。昆吾氏夏之時，嘗為侯伯，桀之時，湯滅

之彭祖氏殷之時嘗為侯伯殷之末世滅彭祖

氏季連生附沮

孫檢曰一作祖○素隱曰沮音才敘反

附沮生穴熊

其後中微或在中國或在蠻夷弗能紀其世周

文王之時季連之苗裔曰鬻熊鬻熊子事文王

蚤卒其子曰熊麗熊麗生熊狂熊狂生熊繹熊

繹當周成王之時舉文武勤勞之後嗣而封熊

繹於楚蠻封以子男之田姓芊氏居丹陽

徐廣曰在

南郡枝江縣

○正義曰穎客云傳例云楚居丹陽今枝江縣故城是括地志云歸州巴東縣東南四里歸故城楚子熊繹

之始國也又能繹墓在歸州秭歸縣輿地志云秭歸縣東有丹陽城周迴八里熊繹始封也

楚子熊繹

與魯公伯禽衛康叔子牟晉侯燮齊太公子呂

俱事成王熊繹生熊艾熊艾生熊黜索隱曰一作黜

音土感反黜音與但與宣同字亦作宣也熊黜生熊勝熊勝以弟熊楊為

後索隱曰鄒誕本作熊錫又作煬熊楊生熊渠熊渠生子三人當

周夷王之時王室微諸侯或不朝相伐熊渠甚

得江漢間民和乃興兵伐庸杜預曰庸今上庸縣正義曰括地志云

房州竹山縣本漢上庸縣古之庸國昔周武王伐紂庸蠻在焉楊粲索隱曰有本作楊雱音吁地名也今音越

譙周作至于鄂正義曰五名反劉伯莊云地名在楚之西後徙楚今東鄂州是括地志云鄧州向城

縣南二十里西鄂故城是楚西鄂熊渠曰我蠻夷也不與中國之

號謚乃立其長子康為句亶王張瑩曰今江陵也索隱曰系本康作庸

亶作祖地理志云江陵南郡之縣也楚文王自丹陽徙都之中子紅為鄂王九州記曰鄂今

武昌○索隱曰有本作瘰紅音執紅從下文熊贄紅讀古史考及鄒氏劉氏等無音瘰紅恐非也○正義曰括地志云武昌縣鄒王舊都今鄂王

神即熊渠子之神也
越作就○正義曰
即上鄂王紅也
皆在江上楚蠻之地及周厲王

之時暴虐熊渠畏其伐楚亦去其王後為熊母

康徐廣曰即渠之長子母康早死熊渠卒子熊摯紅立摯

紅卒其弟弒而代立曰熊延索隱曰如此史意即上鄂王紅也譙周以為熊

渠卒子熊翔立卒長子摯有疾少子熊延立此云摯紅卒其弟然而自立曰熊延欲會此代系則翔亦母康之弟能渠者既卒母康又早卒其摯紅立而被延然故史考言摯有疾而此言弒也○正義曰譙周言摯有疾此言殺未詳宋均注樂緯云能渠嫡嗣曰熊摯有惡疾不得為後別居於夔為楚附庸後王命曰夔子也熊延生熊勇熊

勇六年而周人作亂攻厲王厲王出奔玁狁能勇十

年卒第熊嚴為後熊嚴十年卒有子四人長子伯

霜中子仲雪次子叔堪

索隱曰堪一作湛

少子季徇

索隱

曰徇音旬俊反

熊嚴卒長子伯霜代立是為熊霜熊霜

元年周宣王初立熊霜六年卒二弟爭立仲雪

死叔堪云避難於濮

杜預曰建寧郡南有卜夷○正義曰按建寧晉郡在蜀南與蠻

相近劉伯莊云濮在楚西南孔安國云庸濮在漢之南按成公元年楚地千里孔說是也

而少弟季

徇立是為熊徇熊徇十六年鄭桓公初封於鄭

二十二年熊徇卒子熊罾立

索隱曰罾音鄂亦作噩

熊罾九

年卒子熊儀立是為若敖若敖二十年周幽王

為犬戎所弑周東徙而秦襄公始列為諸侯二

十七年若敖卒子熊坎立是為霄敖

索隱曰坎音若感反一作

菌又

霄敖六年卒子熊眇立

徐廣曰眇音舜○索隱曰按玉篇眇在口部顧

作欽

氏云楚之先即蚡冒也劉音舜其近代

是為蚡冒

索隱曰古

本字有從目者故劉氏有舜音非也

亡北反或亡報反 蚡冒十二年晉始亂以曲沃之

故蚡冒十七年卒蚡冒弟熊通弑蚡冒子而代

立是為楚武王武王十七年晉之曲沃莊伯弑

主國晉孝侯十九年鄭伯弟段作亂二十一年

鄭侵天子之田二十三年衛弑其君桓公二十

九年魯弑其君隱公三十一年宋太宰華督弑

其君殤公三十五年楚伐隨

賈逵曰隨姬姓也杜預曰隨國今義陽隨縣○正義

曰括地志云隨州外城古隨國地卅本云楚武王墓在豫州新息隨姬姓也武王卒師中而兵罷括地志云上蔡縣東北五十里隨曰我無罪楚曰我蠻夷也今諸侯皆爲叛

相侵或相殺我有敝甲欲以觀中國之政請王
室尊吾號隨人爲之周請尊楚王室不聽還報
三十七年楚熊通怒曰吾先鬻熊文王之師也
早終成王舉我先公乃以子男田令居楚蠻夷
皆率服而王不加位我自尊耳乃自立爲武王
與隨人盟而去於是始開濮地而有之五十一年
周召隨侯數以立楚爲王楚怒以隨背已伐隨武
王卒師中而兵罷

皇覽曰楚武王冢在汝南郡銅陽縣葛陵鄉城東北民謂之楚王岑漢永

平中葛陵城北祝里社下於土中得銅鼎而名曰楚武王由是知楚武王之冢民傳言秦項赤眉之時欲發之輒頽壤填壓不得發也○正義曰有本注葛陂鄉作葛陵鄉者誤也地理志云新蔡縣西北六十里有葛陂鄉即費長房投竹成龍之陂因為

子文王熊賢立始都郢

正義曰括地志云紀南故城在荊州

江陵縣北五十里杜預云國都於郢今南郡江陵縣北紀南城是括地志云又至平王更城郢在江陵縣東北六里故郢城是

文王二年伐申過鄧

正義曰括地志云故申城在鄧州南陽縣北三十里

晉太康地志云周宣王舅所封故鄧城在襄州安養縣北二十里春秋之鄧國莊十六年楚文王滅之服虔云鄧曼姓也

鄧人曰楚王易取鄧侯不許也六年伐蔡

正義

曰豫州上蔡縣在州北七十里古蔡國也縣外城蔡國城也

虜蔡哀侯以歸已

而釋之楚彊陵江漢間小國小國皆畏之十一年齊桓公始霸楚亦始大十二年伐鄧滅之

十三年卒子熊羆立

史記音隱云羆古艱字

是為杜敖

索隱曰杜作壯

側狀

杜敖五年欲殺其弟熊惲

索隱曰惲音紆粉反左氏作顓紆顓

反

惲奔隨與隨襲弑杜敖代立是為成王成王

惲元年初即位布德施惠結舊好於諸侯使人

獻天子天子賜胙曰鎮爾南方夷越之亂無侵

中國於是楚地千里十六年齊桓公以兵侵楚

至陘山

正義曰杜預云陘楚地潁川召陵縣南有陘亭括地志云陘山在鄭州西南二百一十里即此山是也

屈曲勿反下音栢楚族也

楚成王使將軍屈完以兵禦之與栢

公盟栢公數以周之賦不入王室楚許之乃去

十八年成王以兵北伐許

地理志曰潁川許昌縣故許國也

許君

肉袒謝乃釋之二十二年伐黃

索隱曰汝南弋陽縣故黃國○正義

曰括地志云黃國故城漢弋陽縣也秦時黃都嬴姓在光州定城縣四十里也

二十六年滅英

徐廣曰年表及他本皆作英一本作黃○正義曰英國在淮南蓋蓼國也不知改名時也

三十三年宋

襄公欲為盟會召楚楚王怒曰召我我將好往

襲辱之遂行至孟

正義曰音于宋地也

遂執辱宋公已而歸

之三十四年鄭文公南朝楚楚成王北伐宋敗

之泓射傷宋襄公襄公遂病創死三十五年晉

公子重耳過成王以諸侯客禮饗而厚送之於

秦三十九年魯僖公來請兵以伐齊楚使申侯

將兵伐齊取穀

杜預曰濟北穀城縣○正義曰括地志云穀在濟州東阿縣東二十六里

置

齊桓公子雍焉齊桓公七子皆奔楚楚盡以為

上大夫滅夔夔不祀祝融鬻熊故也

服虔曰夔楚熊渠之孫熊渠

摯之後夔在巫山之陽秭歸鄉是也○索隱曰譙周作滅歸歸即夔之地名歸縣之鄉也

夏伐宋宋

告急於晉晉救宋成王罷歸將軍子玉請戰成

王曰重耳亡居外久卒得反國天之所開不可

當子玉固請乃與之少師而去晉果敗子玉於

城濮成王怒誅子玉四十六年初成王將以商

臣為太子語令尹子上子上曰君之齒未也

杜預

曰齒年也言尚少

而又多內寵紂乃亂也楚國之舉常在

少者

賈逵曰舉立也

且商臣逢蠆目而豺聲忍人也

服虔曰言忍為

義不可立也王不聽立之後又欲立子職賈逵曰職商臣

也而紂太子商臣商臣聞而未審也告其傳

潘崇曰何以得其實崇曰饗王之寵姬姬當作妹江

芊而勿敬也商臣從之江芊正義曰亡爾反怒曰宜乎

王之欲殺若而立職也商臣告潘崇曰信矣崇

曰能事之乎服虔曰若立職子能事之曰不能能亡去乎曰不

能能行大事乎服虔曰謂弑君曰能冬十月商臣以宮

衛兵圍成王成王請食熊蹯而死杜預曰熊掌難熟冀以將有外

救之也不聽丁未成王自絞殺商臣代立是為穆

王穆王立以其太子宫子潘崇使為太師掌國

事穆王三年滅江

杜預曰江國在汝南安陽縣

四年滅六蓼六

蓼皐陶之後

杜預曰六國今廬江六蓼國今安豐蓼縣

八年伐陳十

二年卒子莊王侶立莊王即位三年不出號令

日夜爲樂令國中曰有敢諫者死無赦伍舉入

諫莊王左抱鄭姬右抱越女坐鍾鼓之間伍舉

曰願有進隱

隱謂隱藏其意

曰有鳥在於皐三年不蜚

不鳴是何鳥也莊王曰三年不蜚蜚將冲天三

年不鳴鳴將驚人舉退矣吾知之矣居數月淫

益甚大夫蘇從乃入諫王曰若不聞令乎對曰

殺身以明君臣之願也於是乃罷淫樂聽政所

誅者數百人所進者數百人任伍舉蘇從以政

國人大說是歲滅庸

正義曰房州竹邑縣今是也

六年伐宋

獲五百乘八年伐陸渾戎

服虔曰陸渾戎在洛西南正義曰尹姓之戎徙居

渾陸遂至洛觀兵於周郊

服虔曰觀兵陳兵示周也

周定王使

王孫滿勞楚王

服虔曰以郊勞禮迎之也

楚王問鼎小大輕重

杜預曰示欲逼周取天下

對曰在德不在鼎莊王曰子無阻九

鼎楚國折鉤之喙

正義曰喙許衛反凡戟有鉤喙鉤口之尖也言楚國戟之鉤口尖有折者

足以爲鼎言鼎易得也

足以爲九鼎王孫滿曰嗚呼君王其

忘之乎昔虞夏之盛遠方皆至貢金九牧

服虔曰使九州

之牧鑄鼎象物

賈逵曰象所圖物著之於鼎

百物而爲之備使

楚世家